



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS FUSHË KOSOVE

Numri i lëndës: 2023:207748

Datë: 24.03.2024

Numri i dokumentit: 05494736

P.nr.169A/23

NË EMËR TË POPULLIT

GJYKATA THEMELORE NE PRISHTIË – DEGA FUSHË KOSOVË - Departamenti i Përgjithshëm, Divizioni Penal, sipas Gjyqtares Laura Hoti Statovci, në lëndën penale të akuzuarit Sh. M., i akuzuar për veprën penale Lëndim i lehtë trupor neni 185 par 1 nën par 1.1 të KPRK-së, duke vendosur sipas aktakuzës së Prokurorisë Themelore në Prishtinë – Departamenti i Përgjithshëm PP/II.nr.5297/20 të datës 18.12.2020, në seancën e shqyrtimit fillestar jo publike të mbajtur me datë 18.03.2024, në praninë e Prokurorit të Shtetit Eset Rama dhe të akuzuari Sh. M., me datë 18.03.2024 mori dhe publikisht shpalli ndërsa me datë 23.03.2024 përpiloi këtë:

A K T G J Y K I M

I pandehuri V. A., nga i ati S..... dhe nëna H..... e gjinisë H....., i lindur me datë në fshatin F.... K....., me adresë banimi në fsh.L..... në Rr.”..... “nr.14 të Komunës së F.... K....., i martuar, ka të kryer shkollën fillore, punëtor, i gjendjes së mesme ekonomike, me numër personal, Ashkali, Shtetas i Republikës së Kosovës, me nr.kontaktues

ËSHTË FAJTOR

Sepse:

Me datë 01.09.2023 rreth orës 19:40 në shtëpinë familjare që gjendet në fsh.L..... Rr.....”nr.14 komuna e F.... K....., i pandehuri V. A. në vazhdimësi, me dashje dhe me qëllim të cenimit të dinjitetit të të dëmtuarës bashkëshortes së tij R. G., ka ushtruar dhunë psikike, ashtu që ditën kritike pas një mosmarrëveshje në mes tyre, i pandehuri fillimisht ushtron dhunë psikike ndaj saj duke e sharë, ofenduar pastaj me qëllim të shkaktimit të lëndimeve trupore e sulmon fizikisht duke e kap për fyti, duke e goditur me shuplaka dy herë në qafë si dhe shqelma dy-tri herë në këmbë, për të vazhduar edhe të nesërmen më dt.02.09.2023 rreth orës 10:00dhe atë për arsye të njëjta ushtron dhunë fizike ndaj saj ku e kap për fyti dhe e përplasë për muri, me ç ‘rast të dëmtuarës i shkaktonte shqetësim të madh emocional dhe lëndime trupore të cilat paraqesin gjak mbledhje nën lëkurorë në regjionin e kofshës së majtë të shkaktuara nga veprimi mekanik i mjetit të fortë mbretës (jo të mprehtë), ku si të tilla këto dëmtime bëjnë pjesë në lëndime të lehta trupore me pasoja të përkohshme në shëndet,-

- Me këtë i pandehuri ka kryer veprën penale Lëndim i lehtë trupor nga neni 185 par. 1 nën par 1.4 të Kodit Penal të Republikës së Kosovës (KPRK-së, 06/L-074).

Andaj, gjykata në bazë të neneve 4, 7, 8, 9, 10, 17, 21, 38, 39, 40, 43, 69, 70, 71, 72 dhe 185 par 1 pika 1.4 të KPRK-së dhe neneve 358, 359, 360 dhe 364 të KPPRK-së, të akuzuarin e gjykon me:

DENIM ME GJOBË

- I.** Në shumën prej 700.00 (shtatëqind) €uro të cilin dënim i pandehuri obligohet që ta paguaj në afat prej 60 ditëve nga data e plotfuqishmërisë së këtij aktgjykimi
- II.** Nëse i pandehuri dënimin me gjobë nuk e paguan në afat të caktuar më lartë, atëherë gjykata këtë dënim do ta zëvendësoj me dënim burgu në kohëzgjatje prej 35 (tridhjetë e pesë) ditësh, duke llogaritur një ditë burgim me 20 (njëzetë) euro të gjobës.
- III.** Obligohet i pandehuri që në emër të shpenzimeve të procedurës gjyqësore të paguaj shumën prej 20 (njëzet) Euro në emër të paushallit gjyqësor, si dhe shumën prej 20 (njëzet) Euro në emër të kompensimit të viktimave të krimit, të gjitha këto në afat prej 60 ditësh nga dita e plotfuqishmërisë së këtij aktgjykimi, nën kërcënimin e përmbarrimit të dhunshëm.
- IV.** E dëmtuara R. G. udhëzohet kërkesës pasurore juridike ta realizoj në procedurë civile.

A r s y e t i m

Prokuroria Themelore në Prishtinë - Departamenti i Përgjithshëm, ka paraqitur Aktakuzë PP/II.nr.604/23F të datës 02.10.2023, ndaj të akuzuarit V. A. për shkak të dyshimit të bazuar mirë se ka kryer veprën penale Lëndim i lehtë trupor nga neni 185 par 1 pika 1.4 të KPRK-së.

Gjykata, në këtë çështje penale juridike ka mbajtur seancën e shqyrtimit fillestar me datë 15.03.2024, në prani të Prokurorit të Shtetit Valdrin Krasniqi dhe të pandehurit V. A. me mbrojtësin sipas autorizimit Av. Hafir Bytyqi ku i pandehuri u njoftuan me të drejtat e tij, me aktakuzën dhe provat kundër tij. Pas kësaj prokurori i shtetit lexoj aktakuzën kundër të pandehurit.

Pas leximit të aktakuzës nga prokurori i pandehuri u deklarua se e pranojnë fajësinë për veprën penale për të cilat akuzohet sipas aktakuzës.

Pas deklarimit të pandehurit dhe mendimit të prokurorit se nuk e kundërshton pranimin e fajësisë, Gjykata konstatoj se i pandehuri ka pranuar fajësinë në mënyrë vullnetare dhe pa asnjë presion, i pandehuri është i vetëdijshëm për pasojat e pranimit të fajësisë, si dhe të gjitha kërkesat nga neni 248 par. 1 të KPPRK-së janë përmbushur. Ashtu që gjykata aprovon deklarimin për pranimin e fajësisë nga ana e të pandehurit.

Duke pas parasysh se gjykata ka aprovuar pranimin e fajësisë nga ana e të akuzuarit dhe ka vërtetuar se nuk ekziston asnjë rrethanë nga neni 357 par.1 pika 1.1, 1.2 dhe 1.3 të KPPRK-së, si dhe faktin se janë plotësuar kushte nga neni 242 par. 6 lidhur me par. 2 të KPPRK-së, atëherë në këtë çështje penale nuk është zbatuar procedura e provave, por gjykata pas deklarimit të akuzuarit se e pranojnë fajësinë në kuptim të nenit 242 par. 6 të KPPRK-së ka vazhduar me shqiptimin e dënimit.

Me faktet e ofruara në shkresat e lëndës, e po ashtu me pranimin e fajësisë nga ana e të pandehurit është vërtetuar gjendja faktike si në dispozitiv të këtij aktgjykimi. Nga gjendja e vërtetuar faktike

si është përshkruar në dispozitiv të këtij aktgjykimit, rrjedh se në veprimet e të pandehurit V. A. qëndrojnë të gjitha elementet e veprës penale Lëndim i lehtë trupor nga neni 185 par 1 pika 1.4 të KPRK-së.

Sa i përket fajësisë gjykata ka gjetur se i akuzuari e ka kryer veprën me dashje, ndërsa gjatë procedurës penale nuk janë paraqitur rrethana të cilat do ta zvogëlojnë apo përjashtojnë përgjegjësin penale të akuzuarit, kështu që i njëjti është penalisht përgjegjës.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrethanat lehtësuese dhe rënduese ne kuptim të nenit 70 të KPRK-se. Kështu si rrethana lehtësuese për të akuzuarin, gjykata ka vlerësuar faktin se i akuzuari ka treguar sjellje korrekte gjatë shqyrtimit gjyqësor duke pranuar fajësinë, duke u ndier i përgjegjshëm për veprimet e tij dhe duke shprehur keqardhje për veprën që e ka kryer. Të gjitha këto rrethana kjo gjykatë i ka pranuar si rrethana lehtësuese ne dobi të akuzuarit, ndërsa si rrethana rënduese përveç faktit se vepra penale ishte kryer brenda familjes të tjera rrethana rënduese Gjukata nuk gjeti.

Andaj, duke vlerësuar këto rrethana, Gjukata ne kuptim të nenit 43 të KPRK-se të akuzuarin e gjykoi si ne dispozitiv të këtij aktgjykimit, me të cilin do të arrihet edhe qëllimi i dënimit.

Gjukata ka ardhur ne përfundim se dënimi i shqiptuar të akuzuarit është ne përputhje me shkallen e përgjegjësisë penale të tij dhe me intensitetin e rrezikimit të vlerave të mbrojtura të shoqërisë. Gjukata gjithashtu është e bindur se vendimi mbi dënim do të shërbejë për arritjen e qëllimit të dënimit ne pengimin e të pandehurit ne kryerjen e veprave penale ne të ardhmen veçanërisht llojin e njëjtit të veprës penale, por ai do të ndikoj edhe si preventive e përgjithshme për personat tjerë që të përmbahen nga kryerja e veprave penale ne përputhje me nenin 38 të KPPRK-se.

Duke u bazuar ne nenin 449 par. 2 pika 2.6 dhe 452 par.1 të KPPRK-se si dhe në bazë të nenit 36 par.3 nën par. 3.1 të Ligjit për kompensimin e viktimave të krimit nr.08/L-109, Gjukata ka vendosur për shpenzimet e procedurës penale në shumën e përgjithshme prej 40 Euro.

Nga arsyet e cekura më lartë dhe me zbatimin e nenit 364 të KPPK-së është vendosur si në dispozitiv të këtij aktgjykimi.

GJYKATA THEMELORE NË PRISHTINË-DEGA FUSHË KOSOVË,
DEPARTAMENTI I PËRGJITHSHËM PENAL
P.nr.169A/23 datë 23.03.2024

Gjyqtarja e vetme Gjykuese

Laura Hoti Statovci

KËSHILLA JURIDIKE: Kundër këtij aktgjykimi palët kanë të drejtë të parashtrajnë ankesë në afat prej 30 ditësh, nga dita e pranimit të të njëjtit. Ankesa i dërgohet Gjykatës së Apelit në Prishtinë përmes kësaj Gjykate.